

Gie, e punctualmein dall'ina entscheivan ellas, las gratulaziuns. Oz vein nus survegniu posta per sulettamein in giubilar, quei vul dir, oz vein nus bia temps per emitter vos salids ed auguris via telefon. Vus astgeis naturalmein bugen era tarmetter in messadi WhatsApp. Nossa numera da telefonin ei 079 200 70 07. E perquei ch'ei dat oz bia spazi per telefonar, cheu aunc inaga la numera da telefon 0800 20 25 30.

Beinvegni, miu num Gabi Degonda.

*RTR, unic e simpatic.*

Gie, ed oz vein nus survegniu posta per in natalezi, sco detg. Jeu supponel che oz dat ei beinenqual sorpresa en stiva da quei buob che ha oz tschun onns. El ei Enea Gianin Cathomas ed el ei da Glion. E per tei, Enea Gianin Cathomas, eis ei vegniu posta ed ussa sas ti vegnir ora dallas marveglias perquei che oz avonmiezdi vein nus detg ti stoppies aunc in tec spitgar per saver tgi che tarmetta a ti auguris per tiu anniversari da tschun onns. E finalmein eis ei ussa aschi lunsch. Nus vein survegniu posta e mira, cheu stat ei scret per tei:

«Car Enea Gianin, uss eis el finalmein cheu, tiu grond di. Da tut cor gratulein nus a ti sin tes tschun onns, giavischein a ti mo il meglier da tut quei mund. Schi bi ch'ei dat tei e che ti portas cun bia bunas ideas, tiu rir e tiu entir esser aschi bia colur ed aschi bia suleagl en nossa veta. Nus vein nundetg bugen tei e nus selegrein sin aunc bia bialas e legras aventuras cun tei. Tes geniturs Ivo e Flurina, tia detscha Corina, tat e tatta, augs ed ondas, cusrins e cusrinas – tuts gratuleschan a ti, Enea Gianin Cathomas, per tiu tschunavel anniversari.»

Gie, ed era il team RTR stat en retscha cun tut tes cars per giavischar a ti mo il meglier, oz in di plein surpresas, bia colur e naturalmein bia suleagl. Gie, ils geniturs, la Flurina e la detscha e l'entira cumpignia, quels san probabel era tgei musica che ti teidlas bugen, Enea Gianin, ti astgas lignar duas gadas. Exact: Jerusalema, per tiu anniversari da tschun onns.